

Sarajevo 24.02.2017.
Osman Ćatić, delegat

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA**

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Prilježeno:			
Org. jed.	Broj	Priloga	Vrijednost
02 - 02 -	24-02-2017	1842/16	10x

n/r gospođe Lidija Bradara, predsjedavajuća

Na osnovu članova 177. i 178. Poslovnika o radu Doma naroda Parlamenta Federacije BiH, na prijedlog Zakona o bankama, podnosim

AMANDMAN

Član 49., stav 1. i stav 2. prijedloga Zakona o bankama mijenjaju se i glase:

- 1) „Član nadzornog odbora ne može biti direktor i član uprave banke, niti prokurista te banke, a ni druge banke u BiH, izuzev lica iz stava (3) ovog člana.“
- 2) „Član nadzornog odbora ne mogu biti lica koja su izabrani zvaničnici, nosilac izvršne funkcije ili savjetnik na državnom, entitetskom, kantonalmom i općinskom nivou, u skladu sa odredbama zakona o sukobu interesa u organima vlasti u Federaciji BiH.“

Stavovi 3) i 4) ostaju nepromijenjeni.

Obrazloženje

Prijedlog Zakona o bankama u članu 49. propisuje nespojivost funkcija članova nadzornog odbora i isti nije prihvatljiv kako je to predloženo. Predloženi način jer je nepotpun i nije u skladu, ili parcijalno tretira određene segmente i kategorije, sa ostalim zakonskim rješenjima koja su na snazi u Federaciji Bosne i Hercegovine, isti čak nije ni usklađen sa obrazloženjem predlagača tog istog člana 49. jer : „ Članom 49. propisana je nespojivost funkcija članova nadzornog odbora, odnosno da direktor i član uprave banke ne može biti predsjednik i član nadzornog odbora te ili bilo koje druge banke u Bosni i Hercegovini, kao ni da isto lice ne može istovremeno biti predsjednik ili član nadzornog odbora u više od dvije banke u Bosni i Hercegovini.“, završen citat.

Zakon o sukobu interesa FBIH („Službene novine Federacije BiH“, broj 70/08) je propisao i definirao konkretnije i jasnije, nego što je to precizirano u ponuđenim stavovima 1. i 2., prijedloga zakona o bankama. Tačnije zakon je propisao principe djelovanja, definicije, i nespojivosti, zabranu djelovanja u slučaju sukoba interesa, pa i ko su smatra "ovlaštenim licem“ „izabranim zvaničnicima“, nosiocima izvršnih funkcija“ i savjetnicima“ itd. Ponuđena odredba je neprecizna, neusklađena i samo se odnosi na izabrane zvaničnike (tj. na poslanike na svim nivoima vlasti), dok ne spominje i izostavljeni su nosioci izvršnih funkcija (ministri, direktori agencija, zavoda, direkcija, fondova, ustanova, osiguravajućih društava i drugih institucija u Federaciji BiH, kao ni savjetnike.

Također, zakon je jasno propisao nespojivosti kada je u pitanju članstvo u upravnom odboru, nadzornom odboru, skupštini, upravi ili menadžmentu ili u svojstvu ovlaštenog lica u javnom

preduzeću nespojivo je sa javnim funkcijama izabranog dužnosnika, nosioca izvršne funkcije ili savjetnika, tako da bi se formulacijom kako je navedeno u amandmanu ta anomalija otklonila.

Zakon o privrednim društvima (Sl. novine FBiH , broj 81/15) je u članu 252. stav 1. propisao nespojivost funkcija i stručno usavršavanje i to na način „ Dioničar sa 50% i više dionica, direktor i član uprave bilo kojeg dioničkog društva kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću ne može biti predsjednik i član nadzornog ili upravnog odbora imenovan ispred državnog kapitala u društvima sa učešćem državnog kapitala ili fondovima, agencijama, komisijama i drugim pravnim licima osnovanim od Vlade Federacije ili Parlamenta Federacije.

Zakon o bankama FBiH ("Sl. novine FBiH" broj 39/98, 32/00,48/01, 27/02, 41/02, 58/02, 13/03 i 28/03) koji je još uvijek na snazi u članu 31.f mnogo konkretnije i preciznije reguliše ovo pitanje nespojivosti i sukoba interesa u istom zakonu odredbe su usaglašeno sa ostalim zakonskim rješenjima i u skladu sa ustavnom.

Smatram da se izmjenama stavova 1 i 2. zakon unaprijeđuje, usklađuje tekst predloženog zakona, kada je u pitanju nespojivost ili sukob interesa, sa drugim važećim aktima u Federaciji BiH, ali isto tako da ostavlja prostor da se osnivačkim aktom i statutom banke može se odrediti i druga ograničenja koja nisu u suprotnosti sa odredbama ovog zakona. Iz navedenog obrazloženja jasno je kako to regulišu drugi propisi, na cjelovit način a ne parcijalno i da se suprotno zakonu o sukobu interesa izdvajaju samo izabrani zvaničnici (poslanici), također je jasno da je predlagач formulisao kontradiktornu odredbu u odnosu na namjeru i obrazloženje iste, te se stiče dojam da se parcijalno pristupilo formulisanju rješenja nespojivost i sukoba interesa jer u postojećem važećem zakonu, je to vrlo jasno i precizno, što smatram i logičnim i potrebnim da bude i u novom zakonu o bankama.

**Delegat
Osman Čatić s.r.**